

猶如草木等 衆生常以二 煩惱因緣故
 從於先出來 後世亦如是 相續不斷絕
 不能盡苦道 於此生慙傷 我當度脫之
 不能出五陰 不畏四大害 不拔諸邪箭
 不滅三毒火 不除無明闇 墮在大愛海
 無有智慧眼 離大導師故 知如是事已

問一

十六

轉加勤精進 有所作起業 皆為度衆生
 常住正念慧 有道有慚愧 堅心覺隨智
 轉更念增益 修福慧無厭 持戒不羸弱
 求多聞無倦 正修淨佛土 種相好音聲
 因緣無厭足 所作諸善業 皆為利衆生
 為利世間故 造立經書等 金石性醫方

歌儼戲笑事 堂閣及園林 衣服諸飲食
 示種種寶聚 令衆得歡喜 占日月五星
 及二十八宿 地動吉凶相 夢書諸恠事
 布施淨戒等 離欲修禪定 四無量神通
 安樂世間故 大智慧菩薩 得此難勝地
 供養萬億佛 從佛而聽法 所修諸善根

悉皆得明淨 猶如磳磳寶 瑩磨於真金
 譬如寶宮殿 風持不失法 世法所不染
 如蓮華在水 菩薩住是地 多作兜率王
 諸根轉猛利 破諸外道見 所作諸善根
 皆為佛智慧 得佛力無量 能度諸衆生
 是菩薩勤修 轉勝精進力 即能得千億
 深妙諸三昧 供養千億佛 動千億世界
 隨其所願力 過是數無量 如是第五地
 種種諸方便 上智慧大人 如法解說竟

十七

大方廣佛華嚴經卷第二十五

問一

大方廣佛華嚴經卷第二十六

問二

東晉天竺三藏佛陀跋陀羅等譯

十地品第二十二之四

諸菩薩聞說 上地之行相 在於虛空中
 兩衆妙珍寶 放清淨光明 供養於世尊
 咸讚言善哉 善哉金剛藏 無量億諸天

心皆大歡喜	於上虛空中	兩種種珍寶
光明相綺錯	微妙甚可樂	香華諸瓔珞
幡蓋散佛上	他化自在王	與諸眷屬等
兩眾妙寶物	霏霏如雪下	歌頌供養佛
稱歎金剛藏	咸讚言善哉	快說諸地行
千萬億天女	於上虛空中	作天眾妓樂
歌歎佛功德	咸作如是言	如來之所說
微妙無有量	能滅諸煩惱	諸法本性空
無有毫末相	空無有分別	同若如虛空
無有去住相	亦無有戲論	本來常清淨
如如無分別	若人能通達	一切諸性相
於有於無中	其心不動搖	但以大悲心
為度諸眾生	是名諸佛子	從佛口法生
常行於布施	利益諸眾生	本來雖清淨
持戒而堅心	雖本心無傷	而行於忍辱
雖知法性離	而行於精進	雖先滅煩惱
而入於諸禪	雖先解法空	而分別諸法
寂滅智雖多	而求利世間	能滅諸惡者

名之為大人 如是諸天女 百千種妙音
稱讚歌頌已 默然而觀佛 解脫月菩薩
請金剛藏言 當以何行相 得成第六地
金剛藏菩薩言佛子菩薩摩訶薩已具足五
地欲入第六地當以十平等法何等為十一以
無性故一切法平等二以無相故一切法平
等三以無生故一切法平等四以無滅故一
切法平等五以本來清淨故一切法平等六
以無戲論故一切法平等七以不取不捨故
一切法平等八以離故一切法平等九以幻
夢影響水中月故一切法平等十以有無不
二故一切法平等菩薩以是十平等法得入
第六地菩薩如是觀一切法性能忍隨順得
第六地無生法忍雖未現前心已成就明利
順忍是菩薩觀一切法如是相大悲為首增
長大悲故觀世間生滅相作是念世間所有
受身生處皆以貪著我故若離著我則無生
處一切凡夫常隨邪念行邪妄道愚癡所盲

問二

二

貪著於我習起三行罪行福行不動行以是
 行故起有漏心種子有漏有取心故起生死
 身所謂業為地識為種子無明覆蔽愛水為
 潤我心既灌種種諸見令得增長生名色牙
 因名色故生諸根諸根合故有觸從觸生受
 樂受故生愛愛增長故有取取因緣故有有
 於有起五陰身名為生五陰至天變名為老五陰
 滅名為死老死因緣有憂悲熱惱眾苦聚集
 是十二因緣無有集者無有散者緣合則有
 緣散則無菩薩如是於六地中隨順觀十二
 因緣又作是念不如實知第一義故有無明
 無明起業是名行依行有初識與識共生有
 四取陰依止取陰有名色名色成就有六入
 根塵合故有觸觸因緣生受貪樂受名為愛
 愛增長名為取從取起業名為有業報五陰
 名為生五陰變名為老五陰壞名為死死別
 離時貪著心熱名為悲發聲啼哭五識為苦
 意識為憂憂苦轉多名為惱如是但生大苦

積聚是十二因緣無我無我所無作者無使
 作者若有作者則有作事若無作者則無作
 事第一義中無作者無作事又作是念三界
 虛妄但是一心作十二緣分是皆依心所以者
 何隨事生欲心是心即是識事是行行誑心故
 名無明識所依處名名色名色增長名六入
 三事和合有觸觸共生名受貪著所受名為
 愛愛不捨名為取彼和合故名為有所起
 名為生生變名為老老壞名為死又無明有
 二種作一者緣中癡二者為行作因行亦有
 二種作一者生未來世果報二者與識作因
 識亦有二種作一者能受生二者與名色作
 因名色亦有二種作一者令諸趣相續二者
 與六入作因六入亦有二種作一者能緣六
 塵二者能與觸作因觸亦有二種作一者能
 觸所緣二者能與受作因受亦有二種作一
 者覺憎愛事二者與愛作因愛亦有二種作
 一者於可染中生貪心二者與取作因取亦

有二種作一者能增長煩惱二者與有作因有亦有二種作一者能於餘道中生二者與生作因生亦有二種作一者能起五陰二者與老作因老亦有二種作一者令諸根熟二者與死作因死亦有二種作一者壞五陰身二者以不見知故而令相續不絕又無明緣諸行者無明令行不斷助成行故行緣識者令識不斷助成識故識緣名色者令名色不斷助成名色故乃至生緣老死憂悲苦惱者令死不斷助成死故無明滅故則諸行滅乃至生滅故老死憂悲苦惱滅因滅故果亦滅又無明愛取是三分不斷煩惱道行有二分不斷業道餘因緣分不斷苦道先後際相續故是三道不斷是三道離我我所而有生滅又無明及行是過去世事識名色六入觸受是現在世事愛取有生老死是未來世事於是有三世轉無明滅故諸行滅名為斷三世相續說又十二因緣說名三苦無明行識名色六入

名為行苦觸受名為苦苦愛取有生老死憂悲苦惱名為壞苦無明滅故諸行滅乃至生滅故老死滅名為斷三苦相續說又因無明諸行生無明滅諸行滅以諸行性空故餘亦如是無明因緣諸行生以生縛說無明滅故諸行滅以滅縛說餘亦如是又無明因緣諸行生是隨順無所有觀說無明滅諸行滅是隨順盡觀說餘亦如是如是逆順十種觀十二因緣法所謂因緣分次第心所攝自助成法不相捨離隨三道行分別先後際三苦差別從因緣起生滅縛無所有盡觀是菩薩隨十二因緣無我無人無眾生無壽命者離作者使作者無生屬眾因緣如是觀時空解脫門現在前滅此事餘不相續故無相解脫門現在前知此二種更不樂有唯大悲心教化眾生無願解脫門現在前菩薩修行三解脫門離彼我相離作者受者相離有無相悲心轉增以悲心故勤行精進未滿菩提法欲令滿

足菩薩作是念有為法和合故增離散則滅緣具故增不具則滅我知有為法過故不應和合具諸因緣化衆生故亦不畢竟滅有為法菩薩如是知有為法無性離堅固相無生無滅與大慈悲和合不捨衆生即得無障礙般若波羅蜜光明現在前得是智慧具足修

習阿耨多羅三藐三菩提因緣而不住有為法觀有為法性寂滅相亦不住其中欲具足無上菩提法故菩薩住現前地得勝空三昧性空三昧第一義空三昧究竟空三昧大空三昧合空三昧生空三昧如實離虛妄空三昧略空三昧離分別不分別空三昧如是等

萬空三昧門現在前無相無願三昧亦如是是菩薩住現前地深心決定心真心甚深心不轉心不捨心廣心無邊心樂智心慧方便和合心如是等心轉勝增長隨順阿耨多羅三藐三菩提一切論師不能傾動入於智地轉聲聞辟支佛地決定向佛智一切衆魔及

諸煩惱所不能壞安住菩薩智慧明中修空無相無願解脫門專以智慧方便行助菩提法是菩薩住現前地於般若波羅蜜偏勝得明上順忍以順是法無有違逆菩薩住現前地得見數百千萬億佛恭敬供養尊重讚歎衣服飲食卧具醫藥親近諸佛於諸佛所聽受

正法如說修行令佛歡喜是人轉勝知佛法藏乃至無量百千萬億劫一切善根轉妙明淨譬如真金以琉璃磨瑩光色轉勝菩薩住現前地以慧方便故一切善根轉勝明淨餘地不及譬如月明能令衆生身得清涼四種風吹不能遏絕菩薩住現前地善根轉勝能

滅衆生煩惱之火四種惡魔所不能壞諸佛子是名略說菩薩現前地菩薩住是地多作善化自在天王智慧猛利能破一切增上慢者聲聞問難不能窮盡有所施作布施愛語利益同事皆不離念佛不離念法乃至不離念一切種智常生是心我當於一切衆生中為

首為勝乃至於一切衆生為依止者是菩薩
若欲勤行精進於須臾間得百千億三昧乃
至能示百千億菩薩以為眷屬若以願力能
過是數若干百千萬億劫不可計知時金剛
藏菩薩欲重明此義以偈頌曰
諸菩薩已得 具足五地行 知諸法無性

無相無生滅 本來常清淨 無有諸戲論
諸法常離相 不取亦不捨 性空猶如幻
離二無分別 隨順如是行 得入第六地
住明利順忍 以智慧力故 觀察於一切
世間生滅相 悉知諸世間 皆從無明有
無明若滅者 則無有世間 觀察因緣法
古花廿六

隨順第一義 而不壞緣報 所作及假名
如實無作者 亦無有受者 如是觀有為
如雲無實事 不知真諦義 名之為無明
從是則生思 身口業行果 從行故有識
即生於名色 如是次第起 生死苦惱聚
了達於三界 但從貪心有 知十二因緣

在於一心中 如是則生死 但從心而起
心若得滅者 生死則亦盡 無明二種作
緣癡作於業 乃至於老死 壞散五陰聚
從於此事邊 具出於苦惱 是事若盡者
苦惱則亦滅 無明若具足 相續則不滅
因緣若盡者 相續則亦斷 無明及愛取

即是煩惱道 行及有是業 餘分則是苦
癡行為過去 識名色六入 觸受是現在
餘則未來世 癡業識名色 六入名為行
觸受是苦苦 餘分則是壞 癡從衆緣生
則有於諸縛 衆緣若滅者 諸縛則亦斷
從因而生果 因滅則果滅 如是觀諸法

自性則皆空 隨順於無明 則有諸世間
若能不隨順 是則斷於有 從是則有是
是無則無是 如是十種觀 甚深因緣法
因緣分次第 去來及現在 作不捨一心
分別有三道 三種苦差別 生滅於縛法
無所有及盡 能行逆順觀 菩薩如是入
古花廿六

十二因緣法

如空如夢幻

無作者受者

百千億三昧

見於百千億

十方世界佛

如是觀因緣

智者修於空

事滅不相續

如秋清涼時

月光明淨好

如是第六地

入於無相行

知此二虛假

於中無所願

深妙難知見

聲聞所不了

大士略說竟

但以大悲心

愍度於衆生

如是諸大士

第七遠行地

在於虛空中

兩香華瓊寶

修習解脫門

悲心愛樂佛

無量諸功德

亦時諸天衆

踊躍發妙音

咸讚言善哉

知諸有爲法

皆從和合有

得萬空三昧

如雲散佛上

踊躍發妙音

咸讚言善哉

無相無願定

智慧轉增進

入於上願忍

善哉金剛藏

善知第一義

無量功德聚

得於諸菩薩

無礙智解脫

如是諸善根

人中之蓮華

說此上妙行

利益諸世間

轉勝利明淨

供養無量佛

諸佛所稱讚

他化自在王

兩光明寶華

雲霧而供養

於諸如來所

出家學佛道

入諸佛法藏

除憂煩惱者

諸天及天王

咸發如是言

善根轉增長

猶以琉璃寶

瑩磨於真金

若聞此地義

則爲得大利

時作百千種

光明轉清淨

餘所不能及

如月行虛空

上妙諸妓樂

諸天女稱讚

承佛神力故

清涼被一切

四種風所吹

不能令遏絕

諸佛最寂滅

能轉惡爲善

一切諸世間

菩薩智慧光

滅諸煩惱火

四魔不能壞

皆所共恭敬

雖出過世間

而示世間法

其義亦如是

菩薩住是地

多作善化王

知身同實相

而示種種身

雖以諸言音

諸根悉猛利

能破增上慢

所作諸善業

演說寂滅法

而知於語言

無有音聲相

皆悉隨智慧

聲聞諸問難

不能得窮盡

能過百千土

上妙供諸佛

智身佛國土

是佛子若欲

如是勤精進

須臾即能得

離相智自在

雖教化衆生

而無彼我想

古花井六

八

廣集大功德 不於中起著 以見取相故
三毒火然世 不取一切相 慈悲起精進
諸天及天女 歡喜設供養 如是讚歎已
默然而觀佛 解脫月菩薩 請金剛藏言
大衆皆清淨 願說七地行
金剛藏菩薩言佛子菩薩摩訶薩已具足第

六地欲入第七地從方便慧起十妙行何等
爲十善修空無相無願而以慈悲心處在衆
生隨諸佛平等法而不捨供養諸佛常樂思
惟空智門而廣修習福德資糧遠離三界而
莊嚴三界畢竟寂滅諸煩惱炎而爲衆生起
滅貪恚癡煩惱炎法隨順諸法如幻如夢如

水中月不二相而起分別種種煩惱及不失
業果報知一切佛國土空如虛空皆是離相
而起淨國土行知一切佛法身無身而起色
身三十二相八十種好以自莊嚴知諸佛音聲
不可說寂滅相而隨一切起種種莊嚴音聲
知諸佛於一念中通達三世而知種種相種

種時種種劫得阿耨多羅三藐三菩提隨衆
生信解作如是說是名從慧方便生十妙行
菩薩摩訶薩修此妙行如是方便慧現前故
名爲入七地是菩薩住七地入無量衆生界
入無量諸佛教化衆生法入無量世界入諸
佛無量清淨國土入無量諸法差別入無量

花廿六

九

諸佛智得無上道入無量諸劫數入無量諸
佛通達三出入無量衆生欲樂差別入無量
諸佛色身別異入無量諸佛知衆生志行諸根
差別入無量諸佛音聲語言令衆生歡喜入
無量衆生心心所行差別入無量諸佛隨智
慧行入示無量聲聞乘信解入諸佛無量說

道因緣令衆生信解入無量辟支佛智慧習
成入諸佛無量甚深智慧所說入諸菩薩無
量所行道入諸佛無量所說大乘習成事令
衆生得入菩薩作是念如是諸佛有無量無
邊大勢力如是勢力我應修習得此勢力不
以分別菩薩如是智慧思惟修習大方便慧

安住佛智以不動法故常起種種度衆生道
 無有障礙行住坐卧皆悉能起度衆生法離
 諸陰蓋住諸威儀常不遠離如是想念是菩
 薩於念念中具足十波羅蜜及十地行何以
 故是菩薩於念念中大悲為首修習佛法一
 切迴向大智慧故十波羅蜜者菩薩以求佛

道所修善根與一切衆生是檀波羅蜜能滅
 一切煩惱熱是尸波羅蜜慈悲為首於一切
 衆生心無所傷是羸提波羅蜜求善根無厭
 足是毗梨耶波羅蜜修道心不散常向一切
 智是禪波羅蜜忍諸法不生門是般若波羅
 蜜能起無量智門是方便波羅蜜求轉勝智

慧是願波羅蜜諸魔外道不能沮壞是力波
 羅蜜於一切法相如實說是智波羅蜜如是
 念念中具足十波羅蜜是菩薩具足十波羅
 蜜時四攝法三十七品三解脫門一切助阿
 耨多羅三藐三菩提法於念念中皆悉具足
 解脫月菩薩問金剛藏菩薩言佛子菩薩摩

訶薩但七地具足助菩提法一切諸地亦能
 具足金剛藏言佛子菩薩摩訶薩於諸地中
 皆悉具足助菩提法遠行勝故於此地說何
 以故諸菩薩摩訶薩於七地中功行具足入
 智慧神通道故佛子菩薩於初地發願緣一
 切佛法故具足助菩提法二地除心惡垢故

明二

十

具足助菩提法三地願轉增長得法明故具
 足助菩提法四地入道故具足助菩提法五
 地隨順行世間法故具足助菩提法六地入
 甚深法門故具足助菩提法此第七地起一
 切佛法故具足助菩提法何以故菩薩摩訶
 薩於此地中得諸智慧所行道以是力故第

八地自然得成佛子譬如二世界一定清淨
 一定垢穢是二中間難可得過欲過此界當
 以神通及大願力菩薩亦如是行於雜道難
 可得過以大願力大智慧力大方便力故亦
 乃得過解脫月言第七菩薩為是淨行為是
 垢行金剛藏言從歡喜地菩薩所行皆離罪

業何以故迴向阿耨多羅三藐三菩提故隨地所行清淨不名為過佛子譬如轉輪聖王乘大寶象遊四天下見諸衆生貧窮困苦王雖無苦而未離人若捨王身生於梵世遊于世界現大威力尔時乃名離於人身菩薩亦如是從初地在諸波羅蜜乘知一切衆生心

所行事及煩惱垢不為煩惱垢之所汙雖乘善道不名為過若捨一切所修功行八於八地尔時名為乘清淨乘悉知一切諸煩惱垢不為煩惱垢之所汙乃名為過諸佛子菩薩住七地過貪欲等諸煩惱垢在此七地不名有煩惱不名無煩惱何以故一切煩惱不起

問二

十一

故不名有煩惱貪求如來智慧未滿願故不名無煩惱菩薩住七地成就深淨身口意業是菩薩所有不善業隨煩惱者悉已捨離所有善業常修習行又世間經書如五地說自然然而得於三千大千世界最為希有得為大師唯除如來八地菩薩無有衆生深心妙行

能與等者是菩薩所有禪定神通解脫三昧不隨禪生所欲自在菩薩住遠行地於念念中具足修習方便慧力及一切助菩提法轉勝具足能入菩薩善伏三昧善思義三昧進慧三昧分別義藏三昧如實分別法三昧堅固安住三昧知神通門三昧淨法界三昧順

佛教三昧種種義藏三昧背生死向涅槃三昧如是具足百萬三昧淨治此地是菩薩得是三昧智慧方便善清淨故深得大悲力故名為過聲聞辟支佛地趣佛智地是菩薩住是地無量身業無相行無量口意業無相行是菩薩清淨行故得無生法忍照明諸法解

脫月菩薩言佛子菩薩住初地有無量身業無量口意業已能過聲聞辟支佛地金剛藏菩薩言緣大法故過非實行力第七地實行力故一切聲聞辟支佛所不能壞譬如生在王家即勝一切何以故地尊貴故其身長大智慧成就尔乃真實勝於一切菩薩亦如是

初發心時勝於二乘以發大願深心清淨故
 今住此地以智慧力勝於聲聞及辟支佛佛
 子菩薩住七地得甚深遠離無行身口意業
 轉求勝法而不捨離以轉勝心故雖行實際
 而不證實際解脫月言佛子菩薩從何地來
 能入寂滅金剛藏言從六地來能入寂滅今

住此地於念念中能入寂滅而不證寂滅是
 菩薩成就不可思議身口意業行實際而不
 證實際譬如有人乘船入海善為行法善知
 水相不為水災之所淪沒如是菩薩住此七
 地乘諸波羅蜜船能行實際而不證實際菩
 薩如是以大願力故得智慧力故從禪定智

問一

十三

慧生大方便力故雖深愛涅槃而現身生死
 雖眷屬圍遶而心常遠離以願力故受生三
 界不為世法之所汙染心常善寂以方便力
 故而還熾然隨行佛智轉聲聞辟支佛地至
 佛法藏而現魔界雖過四魔而現魔行雖現
 外道行而不捨佛法雖現身一切世間而心

常在出世間法一切所有莊嚴之事勝諸天
 龍夜叉乾闥婆阿脩羅迦樓羅緊那羅摩睺
 羅伽人非人等四天王釋提桓因梵天王而不
 捨樂法愛法菩薩成就如是智慧住遠行地
 值百千萬億那由他佛恭敬供養尊重讚歎
 衣服飲食卧具醫藥供養諸佛護持佛法諸

聲聞辟支佛智慧問難所不能壞是菩薩哀
 愍眾生故法忍轉淨是菩薩無量百千萬億
 那由他劫善根轉勝譬如真金以諸妙寶莊
 飾間錯轉勝明淨餘金不及菩薩亦如是住
 遠行地一切善根從方便智慧生轉勝明淨
 無能壞者譬如日光星宿月光所不能及一

切泥水悉能乾竭菩薩亦如是住遠行地善
 根轉勝一切聲聞辟支佛所不能及又能乾
 竭煩惱淤泥諸佛子是名略說菩薩摩訶薩
 遠行地菩薩住是地多作他化自在天王諸
 根猛利能發眾生悟道因緣所作善業布施
 愛語利益同事皆不離念佛不離念法乃至

問二

十三

不離念具足一切種智常生是心我當於一切衆生爲首爲勝乃至於一切衆生爲依止者是菩薩若欲如是勤行精進於須臾間得百千億那由他三昧乃至能現百千億那由他菩薩以爲眷屬若以願力自在示現過於此數百千萬億那由他劫不可計知今時金

剛藏菩薩欲重明此義以偈頌曰

深智慧定心 具行六地已 一時行方便
智慧入七地 行空無相願 而修慈悲心
順佛平等法 而供養諸佛 雖以智觀空
而修福無厭 雖能嚴三界 而心樂遠離
雖心常寂滅 而起滅惡法 行空不二相
而行慈悲心 雖觀一切土 空若如虛空
而能善莊嚴 清淨諸佛土 雖知諸佛身
同法相無相 而種三十二 八十諸相好
雖知音聲法 不可言說相 而嘆佛音聲
令一切歡喜 雖知於諸佛 一念中成道
而示時劫刹 引導諸衆生 如是知諸法

則得法照明 菩薩如是者 即入第七地
住是地能觀 無量衆生行 亦知於諸佛
教化衆生法 世界及劫數 諸法差別相
又知諸衆生 種種之欲樂 知說三乘法
令衆生信解 我應修教化 成就是衆生
以如是思惟 方便慧和合 於四威儀中

常行如是道 於一一念中 能具菩提法

所謂施戒等 十種波羅蜜 如是諸菩薩
所修之福德 皆與諸衆生 名檀波羅蜜
滅除心惡垢 名尸波羅蜜 不爲六塵傷
屢提波羅蜜 能起轉勝法 精進波羅蜜
於是道不動 名禪波羅蜜 無生忍照明
般若波羅蜜 迴向於佛道 方便波羅蜜
求於轉勝法 名願波羅蜜 無有能壞者
名力波羅蜜 能解如實說 名智波羅蜜
是助菩提法 念念皆能攝 發於廣大願
緣於大法故 初地中功德 名之爲具足
第二地名爲 除諸心垢惡 第三願增明

問二

十四

第四地入道	第五隨世行	第六入深法
得無生相分	漸漸而增長	第七集一切
具菩提分法	能起諸功德	及以一切願
如是諸功德	今後八地中	一切諸所行
自然得清淨	遠行地難過	大智力所能
如二國中間	難可得過度	在於七地中
不汗如聖王	雖住於此道	不名一切過
若到於第八	菩薩智慧地	亦時過境界
住於智業中	如梵王觀世	不得名為人
菩薩罪不汗	如蓮華在水	菩薩住是地
過諸貪欲等	不名有煩惱	亦不名滅盡
入是正道中	無有諸煩惱	願求佛道故
不得名盡者	於諸世間中	經書技藝事
文頌呪術等	自然能明了	修習諸禪定
及諸神通等	無量心利世	是事皆能起
亦時此菩薩	過於二乘行	安住第七地
菩薩諸行中	以初發心時	大願力故勝
今於此地中	自以智慧力	猶如國王子

生時姓尊貴	後以功行成	於諸人中尊
住此得深智	轉發勝精進	念念入寂滅
而亦不取證	如人善乘船	入於大海中
雖行深水難	而不為所害	菩薩行轉勝
方便智慧故	功德悉備足	非世所能知
供養無量佛	其心轉清淨	如真金雜寶
間錯而莊嚴	得佛智慧光	乾諸愛潤水
猶如日光明	消涸於泥潦	住是地多作
他化自在王	諸根悉猛利	通達諸道果
若欲勤精進	得見百千億	那由他諸佛
願力復過是	七地智慧淨	人天及二乘
皆非其境界	今已略說竟	

大方廣佛華嚴經卷第二十六

問二

古花卉六

十五